

Quamquam **nostri casus plus** honoris **habuerunt quam** laboris,  
**neque tantum** molestiae **quantum** gloriae,  
**majoremque laetitiam** (ex desiderio bonorum) **percepimus**  
**quam** (ex laetitia inproborum) **dolorem**.

Sed [si aliter [ut **dixi**] **accidisset**],  
 qui **possem queri**,  
 [cum mihi **nihil** inproviso  
 nec **gravius** [quam **expectavissem**]  
 (pro tantis meis factis) **evenisset**].

**Is enim fueram**,  
 cui [cum **liceret**  
**aut capere majores** (ex otio) **fructus**  
**quam** ceteris (propter variam suavitatem studiorum)  
 [(in **quibus**) (a pueritia) **vixeram**],  
**aut subire** [si **quid accideret acerbius** universis],  
 non **praecipuam** sed **parem** (cum ceteris) fortunae **condicionem**]  
 non **dubitaverim**  
 [me (gravissimis tempestatibus ac paene fulminibus ipsis) obvium **ferre**  
 (conservandorum civium causa)],  
 [meisque propriis periculis **parere commune** reliquis **otium**].

Neque enim (hac /**nos patria**/ lege) **genuit** aut **educavit**,  
 [ut **nulla quasi alimenta expectaret** (a nobis)],  
 [ac tantummodo (nostris /**ipsa**/ commodis) **serviens tutum perfugium** otio nostro  
**suppeditaret** et **tranquillum** (ad quietem) **locum**],  
 [sed ut **plurimas et maximas** nostri animi, ingenii, consilii **partes ipsa** sibi (ad utilitatem  
 suam) **pigneraretur**],  
 [tantumque nobis (in nostrum privatum usum)  
 [quantum ipsi **superesse posset**]  
**remitteret**].